

# Buletin

POLITEKNIK MELAKA

## MERDEKA!!!

LAUNGAN KERAMAT PENCETUS SEMANGAT



I3Ce

Lahirkan Graduan  
PMK Profesional



**ROBOTIK**  
TERSERLAH KEPAKARAN  
PENSYARAH PMK

# *Sidang* **REDAKSI**

*Penasihat* SR. HJ. RAZALI BIN JOHARI

*Timbalan Penasihat* TS. ABD HALIM BIN MAHAT

*Pengerusi* EN. AMIRUDIN BIN MOHD SALIM

*Naib Pengerusi* MAHERAN BINTI MOHAMED AYUB

*Setiausaha* NORRUSHIDI BIN KARIM

*Sidang Editor* MAHERAN BINTI MOHAMED AYUB

NURUL FATEHA BINTI SANDOLLAN

HAZIRA BINTI SALLEH

MUHAMAD SUBHI BIN ISMAIL

NORIAH BINTI MOKSIN

*Multimedia dan Sumber* MOHAMED JAYHA BIN MOHAMED NOR

*Rekabentuk Grafik / Pereka* NURHASYIMAH BINTI ABDULLAH

*Jurufoto* MOHD RIMEE BIN ISMAIL

*Penyelaras Teknikal* HAIDAR NUR RIFHAN BINTI BASIR

MOHD YUSRIN BIN SARIP



Kata

# Aluan **PENGARAH**



## **SR. HAJI. RAZALI BIN JOHARI** **PENGARAH POLITEKNIK MELAKA**

Assalamualaikum Warahmatullahi  
Wabarakatuh.

Alhamdulillah, marilah sama-sama kita merafakkan setinggi-tinggi kesyukuran ke hadrat Allah SWT kerana dengan berkat, rahmat dan izin-Nya dapat saya coretkan sepatah dua kata dalam Buletin Politeknik Melaka Siri 2/2022 ini.

Saya ingin merakamkan ucapan syabas dan tahniah kepada sidang redaksi atas kejayaan menerbitkan buletin PMK bagi tahun ini. Inisiatif penerbitan buletin ini amatlah murni dalam mendokumentasi maklumat, merakam kenangan dan menghargai usaha serta kesungguhan warga PMK dalam melaksanakan pelbagai aktiviti pada sepanjang tahun. Saya cukup yakin buletin ini merupakan bukti komitmen yang tinggi dan kerjasama yang padu daripada semua pihak yang sentiasa memberikan yang terbaik untuk anak bangsa.

Semua warga PMK memainkan peranan yang penting dalam menggalas misi dan visi Politeknik Melaka. Justeru, saya percaya gerak kerja seluruh warga PMK dengan kepimpinan yang tinggi akan membawa kepada pembentukan generasi pewaris negara yang beradab mulia dan berintelektual dalam memacu kecemerlangan dalam bidang TVET negara.

Akhir kata, semoga penerbitan buletin PMK ini dapat diteruskan bagi membina ukhwah serta menyatu padukan semua warga PMK. Saya mengharapkan segala pengalaman, kesungguhan dan semangat kerjasama yang telah lama terbina di PMK ini bukan sahaja terpahat di dalam buletin ini malah ianya akan terus subur dan menjadi pemangkin kepada kejayaan PMK yang lebih cemerlang pada masa kan datang.

Dari

Meja

EDITOR



## MAHERAN BINTI MOHAMED AYUB


### EDITOR, BULETIN PMK

Assalamualaikum dan Salam Sejahtera,

Segala puji bagi Allah SWT. Selawat dan salam ke atas junjungan besar Nabi Muhammad SAW.

Syukur ke hadrat Allah SWT kerana dengan izinNya kita dapat menerbitkan sebuah buletin yang memberi info kepada warga Politeknik Melaka, iaitu Buletin PMK Siri 2/2022. Terima kasih yang tidak terhingga diucapkan kepada Jawatankuasa Sidang Redaksi kerana bersatu hati dalam menyiapkan Buletin Siri 2/2022 sebagai wadah untuk dikongsi bersama seluruh warga Politeknik Melaka.


Saya, mewakili sidang redaksi buletin ingin mengambil kesempatan untuk mengucapkan terima kasih dan tahniah kepada jabatan dan unit yang terus menghidupkan budaya penulisan dikalangan warga akademik, pengurusan dan juga pelajar yang tidak putus menyumbangkan idea, usaha dan tenaga sehingga terhasilnya buletin kali ini. Penerbitan Buletin PMK Siri 2/2022 ini merekodkan aktiviti serta program yang telah dilaksanakan sepanjang tahun 2022. Banyak kejayaan yang telah dicapai di mana buletin ini menjadi medium untuk kita sama-sama melaraskan sejarah kepada kejayaan yang dicapai oleh jabatan dan unit. Diharap dengan perkongsian ini dapat memberi manfaat kepada semua pembaca. Semoga semangat ini berterusan pada masa akan datang. Syabas dan tahniah warga Politeknik Melaka.



## POLITEKNIK MELAKA SUMBANG KEPAKARAN BINA RAK PROPAGASI KARANG UNTUK DILABUHKAN DI PULAU UNDAN.

Oleh : Nurul-Fateha Md Sandollah

TELOK MAS, 24 Julai – Politeknik Melaka telah bekerjasama dengan Jabatan Perikanan Negeri Melaka bagi membina satu rak propagasi karang dan telah diletakkan di Pulau Undan. Dua (2) orang penyelam PMK iaitu En Ahmad Fariz bin Fauzi, (JKE) dan Pn Hairani binti Ahmad Zainuldin (JP) telah menyelam untuk meletakkan karang (coral) ke tukun tiruan yang dibina oleh staf PMK yang terlibat pada Program Melabuhkan Tukun Tiruan dan Taman Laut Negeri Melaka pada 24 Julai 2022 yang dirasmikan oleh YB Datuk Seri Haji Ahmad bin Hamzah, Timbalan Menteri Pertanian dan Industri Makanan 1 dan YB Datuk Abdul Razak bin Abdul Rahman, Exco Pembangunan Luar Bandar, Pertanian dan Industri Asas Tani Negeri Melaka. Turut hadir sama Timbalan Pengarah II PMK Ts. Abdul Halim Mahat serta ketua-ketua jabatan akademik PMK





## LAWATAN KUNJUNG HORMAT PENGARAH POLITEKNIK MELAKA KE BALAI BOMBA DAN PENYELAMAT MELAKA TENGAH

Oleh : Nurul-Fateha Md Sandollah

MELAKA TENGAH, 27 Julai – Sr Hj Razali bin Johari, Pengarah Politeknik Melaka (PMK) telah mengadakan kunjung hormat ke Balai Bomba Dan Penyelamat Melaka Tengah yang disambut oleh TPgB II Yazid bin Mohd Tahir selaku ketua balai. Turut hadir sama dalam kunjungan tersebut adalah Ketua Unit Kesihatan dan Pekerjaan, Ts Mohd Farizzal bin Dolah Muhamad dan Ketua Unit Komunikasi dan Korporat , Pn Nor Azah binti Mat Sout.

Kunjungan hormat ini bertujuan bagi merapatkan silaturrahim di samping membincangkan jalinan kerjasama strategik di antara pihak Politeknik Melaka dan pihak Balai Bomba dan Penyelamat Melaka Tengah. Pengarah Politeknik Melaka berterima kasih kepada pihak bomba dan penyelamat yang sentiasa memberikan bantuan dan kerjasama kepada pihak Politeknik Melaka sepanjang pandemik Covid 19.

Dalam lawatan ini juga satu perbincangan serta perkongsian pandangan mengenai pelaksanaan Latihan Fire Drill dan Kursus Keselamatan Kebakaran serta kursus – kursus kemahiran yang boleh ditawarkan kepada pegawai-pegawai bomba serta PMK turut dibincangkan. Adalah diharapkan kerjasama erat antara Politeknik Melaka dan Balai Bomba & Penyelamat Melaka Tengah ini akan terus utuh dan mampu menghasilkan sesuatu yang positif bagi memastikan keselamatan warga Politeknik Melaka terjaga.



## MAJLIS PELANCARAN BULAN KEBANGSAAN PMK TAHUN 2022

Oleh : Nurul-Fateha Md Sandollah

KLEBANG, 18 Ogos – Telah berlangsungnya majlis Pelancaran Bulan Kebangsaan PMK Tahun 2022 di Dewan Japerun Klebang yang dirasmikan oleh Pn. Intan Suhana Binti Yussof, Pengarah Integrasi Nasional Negeri Melaka diiringi Pengarah PMK Sr Hj Razali bin Johari. Dalam majlis tersebut turut diadakan sekali majlis Minggu Suai Kenal Siswa Siswi sesi 1 2022/2023. Dalam majlis perasmian tersebut, seluruh warga PMK telah hadir sama untuk menyemarakkan lagi semangat patriotik mereka untuk menyambut dan mengingati perjuangan nenek moyang terdahulu yang telah berkorban jiwa dan raga untuk mendapatkan sebuah kemerdekaan untuk generasi kini. Turut hadir sama ialah timbalan-timbalan pengarah PMK serta ketua-ketua jabatan dan unit PMK.





BUKIT SENGGEH, 28 Ogos – “Program One Touch Politeknik Melaka 2022” ini merupakan salah satu program tanggungjawab sosial korporat (CSR) yang telah dilaksanakan bersama dengan Politeknik Merlimau Melaka bermula 25 Ogos sehingga 28 Ogos 2022. Program ini telah melibatkan aktiviti khidmat komuniti yang dijalankan di Kg Bukit Senggeh, Jasin Melaka. “Program One Touch” ini telah melibatkan pelbagai kerja khidmat komuniti yang berasaskan pendidikan dan latihan teknikal dan vokasional (TVET). Politeknik Melaka diterajui oleh Jabatan Kejuruteraan Awam, telah menjalankan kerja-kerja khidmat komuniti baikpulih bangunan kantin Sekolah Rendah Agama dan rumah asnaf di Kg Bukit Senggeh.

Perbelanjaan adalah di bawah tanggungan Japerun Dewan Undangan Negeri kawasan Asahan Melaka. Seramai lebih kurang 11 orang pensyarah dan kakitangan sokongan yang terlibat serta 12 orang pelajar yang terdiri

daripada pelajar Jabatan Kejuruteraan Awam (JKA) dan Jabatan Kejuruteraan Elektrik (JKE) Politeknik Melaka (PMK). Program ini memfokuskan pembaikan kerosakan dan masalah pada struktur bumbung di kantin Sekolah Rendah Agama Kampung Bukit Senggeh dan rumah asnaf yang telah dikenal pasti. Di samping itu, kerja-kerja baik pulih turut melibatkan beberapa kerja tambahan seperti pendawaian elektrik, membaiki pintu, mengecat dinding, pintu kaunter kantin, meja dan kerusi di kantin tersebut. Semoga program ini dapat memberikan manfaat kepada masyarakat setempat. Selain itu, para pelajar yang terlibat juga dapat memanfaatkan kerja-kerja sukarelawan ini dan menjadi pendorong untuk terus berbakti kepada masyarakat di luar di samping mempromosikan Politeknik Melaka di komuniti setempat.

## CSR MEGA POLITEKNIK MELAKA

Oleh : Mohd Khairuddin bin Ahmad Khair





## JALAN PATRIOTIK MERDEKA TAHUN 2022

Oleh : Jazwin bin Abd. Rahman

BANDAR HILIR, 26 Ogos – Jabatan Sukan, Kokurikulum & Kebudayaan Politeknik Melaka telah menganjurkan Program 10,000 Langkah Berjalan Patriotik Sempena Sambutan Bulan ke-65 dengan tema ‘Teguh Bersama’.

Program ini telah berjaya menghimpunkan penyertaan seramai 160 orang pelajar dan staf Politeknik Melaka. Program bermula dari Jeti Taman Rempah Melaka dan menyusuri laluan pejalan kaki Sungai Melaka hingga ke Kota A'Famosa Bandar Hilir Melaka dan kembali semula ke Jeti Taman Rempah Melaka. Perjalanan sejauh 7 km atau 10,000 langkah ini mengambil masa hampir 2 jam 30 minit dan ianya merupakan suatu pengalaman yang menarik untuk dikongsi bersama semua.





Bertemakan Semangat Patriotisme, para peserta digalakkan menggayakan pakaian bertema patriotisme dan berjalan-jalan. Ianya bertujuan untuk menyemai semangat patriotisme terutama dalam kalangan generasi kini. Pertandingan pakaian yang tercantik ini dipertandingkan mengikut kategori staf dan pelajar. Majlis ini diserikan dengan kehadiran YBhg. Sr. Haji Razali Bin Johari, Pengarah Politeknik Melaka yang telah merasmikan program ini dan turut sama dihadiri oleh Timbalan Pengarah serta Ketua Jabatan dan Ketua Unit.





## LAUNGAN MERDEKA DI PUNCAK GUNUNG CHAMAH & ULU SEPAT

Oleh : Hishamuddin Shah bin Ibrahim

GUA MUSANG, KELANTAN : 27 Ogos - 6 orang warga Politeknik Melaka dengan kekuatan 3 pensyarah (En.Hishamuddin Shah bin Ibrahim, En.Mohamad Hafiz bin Saleh dan En. Abdul Razak Bin Shaari) dan 3 orang pelajar dari MESAC (Mechanical Engineering Students Affair Club) telah melalui satu perjalanan yang paling getir untuk sampai ke puncak Gunung Chamah dan Gunung Ulu Sepat dengan dibantu oleh Trip Organizer, Peak Hunter Adventure. Cabaran yang pelbagai menanti disepanjang perjalanan. Bermula dengan perjalanan dengan 4WD melalui jalan balak selama 4 jam yang mendebarkan. Peserta terpaksa berjalan selama lebih 23 jam untuk sampai ke sesuatu checkpoint. Lebih menguji lagi, setiap peserta perlu memikul beban beg hampir 20kg dengan laluan yang amat curam dan berliku.



Dikala cahaya semakin hilang menerangi tanah hutan belantara, begitu juga tenaga peserta turut semakin menyusut. Rasa penat dan lapar mula menyelubungi peserta. Ini bukanlah perjalanan yang biasa dilalui oleh ekspedisi sebelum ini. Kalau sebelum ini selepas seharian latihan, peserta akan berehat untuk keesokan harinya. Tidak dalam ekspedisi ini. Setiap pagi yang baharu bermakna peserta perlu menempuh perjalanan yang panjang dan mencabar. Cuaca yang sejuk pada satu masa terutamanya saat hujan turun lebih menggetarkan para peserta. Dikalangan penggiat rekreasi mendaki gunung, 2 gunung dalam senarai G7 (7 gunung tertinggi di semenanjung yang ketinggiannya melebihi 7000 kaki) iaitu Gunung Chamah dan Ulu Sepat memang dikenali dengan laluan yang paling mencabar dan ekstrem.



2022/08/31 12:20



Halangan yang menanti peserta disini tidak seazab di 5 gunung lain dalam senarai G7 (Gunung Tahan, Gunung Korbu, Gunung Gayung, Gunung Yong Belar dan Gunung Yong Yap). Laluan berlumpur dan selut menjadi 'hidangan' para pendaki di hampir keseluruhan perjalanan. Setelah melalui jumlah perjalanan melebihi 70 km selama 5 hari 4 malam, dibawah hujan renyai dan kesejukan, laungan merdeka sebanyak 3 kali bergema di puncak Gunung Ulu Sepat pada detik 2.28 petang 31hb Ogos 2022. Tiada kata-kata dapat digambarkan kecuali sujud syukur sebagai tanda betapa bersyukurnya peserta, kerana diberikan kekuatan dan kesabaran oleh Rabbul Alamin bagi melalui ekspedisi yang jatuh dibawah kategori paling tegar dalam senarai "G7". Erti sebenar kemerdekaan bagi peserta ialah dengan berkorban meninggalkan keselesaan dan kemudahan yang ada bagi menghayati jerih perih datuk nenek kita dahulu bagi mendapatkan kemerdekaan buat Negaraku Malaysia.

MERDEKA! MERDEKA! MERDEKA!



BUKIT SENGGEH, 28 Ogos – “Program One Touch Politeknik Melaka 2022” ini merupakan salah satu program tanggungjawab sosial korporat (CSR) yang telah dilaksanakan bersama dengan Politeknik Merlimau Melaka bermula 25 Ogos sehingga 28 Ogos 2022. Program ini telah melibatkan aktiviti khidmat komuniti yang dijalankan di Kg Bukit Senggeh, Jasin Melaka. “Program One Touch” ini telah melibatkan pelbagai kerja khidmat komuniti yang berasaskan pendidikan dan latihan teknikal dan vokasional (TVET). Politeknik Melaka diterajui oleh Jabatan Kejuruteraan Awam, telah menjalankan kerja-kerja khidmat komuniti baikpulih bangunan kantin Sekolah Rendah Agama dan rumah asnaf di Kg Bukit Senggeh.

Perbelanjaan adalah di bawah tanggungan Japerun Dewan Undangan Negeri kawasan Asahan Melaka. Seramai lebih kurang 11 orang pensyarah dan kakitangan sokongan yang terlibat serta 12 orang pelajar yang terdiri daripada pelajar Jabatan Kejuruteraan Awam (JKA) dan Jabatan Kejuruteraan Elektrik (JKE) Politeknik Melaka (PMK). Program ini memfokuskan pembaikan kerosakan dan masalah pada struktur bumbung di kantin Sekolah Rendah Agama Kampung Bukit Senggeh dan rumah asnaf yang telah dikenal pasti. Di samping itu, kerja-kerja baik pulih turut melibatkan beberapa kerja tambahan seperti pendawaian elektrik, membaiki pintu, mengecat dinding, pintu kaunter kantin, meja dan kerusi di kantin tersebut. Semoga program ini dapat memberikan manfaat kepada masyarakat setempat. Selain itu, para pelajar yang terlibat juga dapat memanfaatkan kerja-kerja sukarelawan ini dan menjadi pendorong untuk terus berbakti kepada masyarakat di luar di samping mempromosikan Politeknik Melaka di komuniti setempat.

## PROGRAM ONE TOUCH PMK: PEMBAIKAN BUMBUNG DI KG BUKIT SENGGEH

Oleh : Suzana Wati binti Adnan







## JOM KITA BORAK SANTAI: DI MANA ADA KEMAHUAN DI SITU ADA JALAN BERSAMA DR NORHANA BINTI AHMAD

Oleh : Ifadah Sharif

POLITEKNIK MELAKA, 12 September – Unit Perpustakaan Politeknik Melaka telah mengambil inisiatif dengan mengadakan program JOM KITA BORAK SANTAI: DI MANA ADA KEMAHUAN DI SITU ADA JALAN khas untuk pelajar PMK.

Borak santai diadakan adalah bertujuan memberikan suntikan motivasi kepada siswa dan sisiwi PMK dalam mencapai impian kerjaya mereka di masa hadapan. Penceramah jemputan iaitu Dr Norhana binti Ahad telah memberikan perkongsian yang amat berharga buat mereka. Diharapkan program ini dapat memberikan manfaat kepada para siswa dan sisiwi dalam perjalanan mereka sehingga ke alam pekerjaan.



# MERDEKA FUN RIDE

Oleh : Mohd Jazwin bin Abd Rahman

## POLITEKNIK MELAKA (PMK), 14 September

– Jabatan Sukan, Kokurikulum & Kebudayaan Politeknik Melaka telah menganjurkan “Program Fun Ride” bersempena Sambutan Hari Kebangsaan ke-65 dengan slogan ‘Teguh Bersama’.

Majlis perasmian telah disempurnakan oleh Pengarah Politeknik Melaka iaitu Sr. Hj. Razali bin Johari. Majlis ini turut dihadiri oleh Ts. Abd Halim bin Mahat, Timbalan Pengarah II , Ketua Jabatan dan Ketua Unit. Pelancaran jersi rasmi ‘PMK Cyclist ’ juga telah disempurnakan oleh tuan pengarah dalam majlis yang sama . Jersi ini merupakan jersi rasmi bagi kelab berbasikal PMK.

Tuan pengarah telah melepaskan seramai 30 orang peserta yang terdiri dari staf dan pelajar politeknik. Perjalanan bermula dari Politeknik Melaka, Plaza Pantai Malim menyusuri laluan Pantai Klebang dan seterusnya singgah di Kota A’Famosa, dan Bangunan Memorial Pengisytiharan Kemerdekaan, Banda Hilir, Melaka. Perjalanan ditetapkan sejauh 16.9km bertepatan dengan sambutan Hari Malaysia yang jatuh pada 16 September 2022.





## PROGRAM KHIDMAT KOMUNITI ILMIAH: JMSK PRIHATIN DI PAYASUM

Oleh : Ahmad Fadli bin Abd Hadi

MELAKA, 24 September - Satu program Khidmat Komuniti Ilmiah:JMSK Prihatin anjuran Jabatan Matematik, Sains dan Komputer telah berlangsung pada 24 September 2022 di Lembaga Pengurusan Kebajikan Anak Yatim dan Miskin Islam Melaka (PAYASUM), Sungai Udang. Program telah bermula seawal 8.00 pagi dan telah dirasmikan oleh Sr.Hj Razali bin Johari, Pengarah Politeknik Melaka. Program ini sebenarnya satu manifestasi untuk mewujudkan interaksi dua hala antara pihak politeknik dengan komuniti setempat bagi bersama-sama berkongsi idea dan tenaga untuk memajukan komuniti setempat.

Program yang berfokuskan kepada "Fun Math" dan "Amazing Science", aktiviti yang dilaksanakan mensasarkan beberapa objektif penting untuk dicapai antaranya memberi pendedahan kepada pelajar tentang Matematik, Sains dan Teknologi serta memupuk minat pelajar terhadap subjek yang berteraskan kepada Matematik dan Sains. Selain itu juga, program ini menjadi platform untuk memperkenalkan Politeknik Melaka kepada komuniti setempat sebagai salah satu Institusi Pengajian Tinggi Awam (IPTA) yang berdasarkan Pendidikan dan Latihan Teknikal dan Vokasional (TVET). Program yang dijalankan melibatkan 70 orang penghuni Payasum dan dikendalikan oleh 13 orang staf JMSK dibantu oleh 15 orang pelajar politeknik pelbagai jabatan yang hadir secara sukarela serta kaunselor pelatih. Antara aktiviti yang dijalankan adalah seperti senamrobik, Al-Khawarizmi Explorace dan "Do It Yourself-Bridge". Program tamat sekitar jam 1.30 petang. Diharapkan program seperti ini dapat lagi diteruskan pada masa akan datang



# PROGRAM KEMPEN DERMA DARAH

Oleh : Mohd Khairuddin bin Ahmad Khair

**MELAKA, 27 September** - Program Kempen Derma Darah telah diadakan di Kampus Politeknik Melaka. Program yang telah dianjurkan oleh Majlis Perwakilan Pelajar Politeknik Melaka dengan kerjasama Jabatan Hal Ehwal dan Pembangunan Pelajar Serta McDonald yang bertempat di Pusat Pelajar Politeknik Melaka.

Tujuan kempen derma darah ini adalah untuk memberikan kesedaran kepada warga Politeknik Melaka tentang kepentingan dan kebaikan menderma darah serta melahirkan insan yang mempunyai sikap bertanggungjawab yang tinggi dalam diri masyarakat. Alhamdulillah program derma darah ini mendapat sambutan yang sangat menggalakkan dari pelajar mahupun staf Politeknik Melaka iaitu seramai 123 orang telah hadir untuk menderma.

Tambahan pula, seramai 80 penderma yang terawal telah mendapat McDonald secara percuma. Dengan menyertai program Derma Darah ini, diharapkan sedikit sebanyak dapat membantu mereka yang memerlukan. Jutaan terima kasih diucapkan kepada semua yang bersama-sama dalam menderma darah pada hari ini. Semoga Program ini memberikan manfaat yang baik untuk semua.



## JAWATANKUASA PAKAR BIDANG & PENYELARAS ROBOTIK PMK ANJUR PROGRAM TVET PENGHASILAN ROBOT MINI BERSAMA PELAJAR SEKOLAH

Oleh : NURUL-FATEHA MD SANDOLLAH

POLITEKNIK MELAKA, 19 September – Telah diadakan Program Tvet Penghasilan Robot Mini Bersama Pelajar Sekolah yang bertemakan Robotie@PMK pada 19-20 September 2022 anjuran Jawatankuasa Pakar Bidang PMK & Penyelaras Robotik PMK. Program ini telah dirasmikan oleh Pengarah PMK Sr.Hj Razali Bin Johari. Dalam program ini lebih daripada 5 buah sekolah sekitar Melaka Tengah telah hadir untuk menyertai program ini. Turut hadir sama dalam majlis perasmian penutup program ini iaitu Timbalan Pengarah PMK Pn. Hjh Normala binti Salimin dan Timbalan Pengarah II PMK, Ts. Abd Halim bin Mahat, Ketua Jawatankuasa Pakar Bidang PMK & Penyelaras Robotik PMK Lt. M. Ts Dr Kannan Rassiah serta ketua-ketua jabatan PMK.







## PROGRAM SEMARAK PATRIOTISME

Oleh : Nor Suriati Jamaludin

POLITEKNIK MELAKA 15 September – Unit Pendidikan Islam, Jabatan Pengajian Am (JPA), Politeknik Melaka (PMK) telah berjaya menganjurkan Program Semarak Patriotisme bersempena dengan sambutan Bulan Kebangsaan Politeknik Melaka. Program ini berlangsung dari 01 September hingga 15 September 2022 secara atas talian dan juga di Politeknik Melaka. Terdapat 3 buah acara telah diadakan dalam program ini iaitu : Pertandingan Kuiz Kemerdekaan, Pertandingan Penghasilan Video Patriotik dan Peraduan Tekasilangkata Kenegaraan. Program ini mendapat sambutan yang sangat menggalakkan daripada semua siswa dan siswi Politeknik Melaka yang terdiri daripada semua jabatan dan semua semester. Objektif program ini diadakan adalah untuk memupuk semangat patriotik dan semangat cintakan negara dalam diri para siswa dan siswi,

melahirkan insan yang mempunyai pemikiran yang kreatif dan inovatif, di samping membudayakan penggunaan ICT dalam proses pengajaran dan pembelajaran.

Pertandingan Kuiz Kemerdekaan diadakan secara atas talian pada 05 September 2022 dan mendapat sambutan yang luar biasa daripada para siswa dan siswi di mana seramai 145 orang telah menyertai pertandingan ini. Pemenang dikira berdasarkan masa menjawab yang terpantas dan ketepatan jawapan. Johan dimenangi oleh Muhammad Zakwan Danial Bin Mohd Zaki daripada Jabatan Kejuruteraan mekanikal. Naib Johan pula dimenangi oleh Noor Naqibah Binti Megat Ghazali daripada Jabatan Pedagangan manakala Tempat Ketiga dimenangi oleh Aina Atirah Binti Mohd Shahridzuan juga daripada Jabatan Perdagangan.



Pertandingan Penghasilan Video Patriotik berlangsung dari 01 September hingga 15 September 2022. Peserta diminta menghasilkan video bertemakan patriotisme dan kemerdekaan dan memuat naik video tersebut di laman sesawang Youtube. Video para peserta telah diadili oleh Encik Hishamuddin Shah Bin Ibrahim iaitu Ketua Jabatan Kejuruteraan Mekanikal. Secara keseluruhannya, semua peserta telah berjaya menghasilkan video yang bertepatan dengan tema pertandingan. Video yang dihasilkan juga sangat menarik dan kreatif. Peserta telah dinilai berdasarkan kepada isi, kualiti, kreativiti, audio serta grafik video yang dihasilkan. Johan dimenangi oleh Muhammad Wafiq Bin Yusoff. Naib Johan dimenangi oleh Muhammad Hafiz Bin Nor Rizam manakala Tempat Ketiga dimenangi oleh Muhammad Ezzul Fareez Bin Suib. Kesemua pemenang adalah daripada Jabatan Kejuruteraan Mekanikal.

Peraduan Tekasilangkata Kenegaraan pula diadakan pada 05 September 2022 bertempat di Politeknik Melaka di mana peserta dikehendaki menjawab soalan tekasilangkata yang bertemakan kenegaraan. Pemenang dikira berdasarkan ketepatan jawapan dan kepastian masa menjawab. Seramai 13 orang peserta telah mengambil bahagian dalam peraduan ini. Johan dimenangi oleh Muhammad Aminudin Bin Che Arbi daripada Jabatan Kejuruteraan Elektrik. Naib Johan pula dimenangi oleh Azrol Syafeq Bin Dzulkarnain juga daripada Jabatan Kejuruteraan Elektrik manakala Tempat Ketiga dimenangi oleh Muhammad Hikmi Bin Md Pozan daripada Jabatan Kejuruteraan Mekanikal.

Secara keseluruhannya, Program Semarak Patriotisme ini telah berjalan dengan lancar dan objektif pertandingan ini telah tercapai dengan jayanya seperti yang dirancang.



## LAWATAN KUNJUNG HORMAT PEGAWAI RELA MELAKA TENGAH KE PEJABAT PENGARAH POLITEKNIK MELAKA

Oleh : NURUL-FATEHA MD SANDOLLAH

POLITEKNIK MELAKA, 21 September – Timbalan Pegawai Rela Daerah Melaka Tengah, PgR Mohd Ezzehamshah bin Kamian mewakili Rela Daerah Melaka Tengah telah mengadakan kunjung hormat ke Politeknik Melaka. Delegasi telah disambut oleh Tn Pengarah, Sr Hj Razali bin Johari, Ketua Jabatan Sukan, Kokurikulum dan Kebudayaan PMK, En. Mohamad Hafiz bin Saleh serta pegawai-pegawai RELA PMK. Dalam kunjungan tersebut satu perbincangan berkenaan perancangan, halatuju Relasis Politeknik Melaka, dan juga pelaksanaan setelah Relasis Politeknik Melaka berehat panjang kerana pandemik covid-19 turut dibincangkan.





## PROGRAM CSR SEKOLAH KEBANGSAAN BACHANG

Oleh : Ustaz Mohd Nazim bin Zakaria

BACHANG, 24 September - Program Kem Kepimpinan SK Bachang telah diadakan di Sekolah Kebangsaan Bachnag. Program ini dianjurkan oleh pihak Sekolah Kebangsaan Bachang dengan kerjasama Majlis Perwakilan Pelajar dan Jabatan Hal Ehwal dan Pembangunan Pelajar Politeknik Melaka. Tujuan program ini diadakan adalah untuk memupuk dan mengasah bakat kepimpinan di dalam diri para pelajar sekolah rendah dalam pelbagai aspek kepimpinan khususnya. Program ini disertai oleh pemimpin-pemimpin muda SK Bachang yang terdiri daripada pengawas sekolah, pengawas pusat sumber, pengawas SPBT, pembimbing rakan sebaya, ketua dan penolong kelas dan pengurus dan naib pengurus unit kurikulum. Alhamdulillah

program Kem Kepimpinan SK Bachang ini mendapat sambutan yang sangat luar biasa dari kalangan pelajar mahupun guru-guru SK Bachang iaitu seramai 168 orang pesera telah hadir untuk menyertai kem kepimpinan tersebut.

Penyerahan sijil telah diserahkan kepada barisan fasilitator Politeknik Melaka yang diketui oleh Saudari Nur Aidilia Maisara binti Rodi Darwadi sebagai tanda penghargaan dan terima kasih daripada pihak sekolah. Dengan menyertai kem kepimpinan ini, diharapkan agar pelajar mampu mencerna dan menjana daya kepimpinan yang tinggi sebagai generasi pelapis yang berkualiti demi kesejahteraan negara. Semoga program-program sebegini dapat dijalankan lagi agar memberikan manfaat yang baik untuk semua.



# KURSUS PENENTUAN ARAH KIBLAT ANJURAN JABATAN PENGAJIAN AM

Oleh : Nor Suriati Jamaludin

POLITEKNIK MELAKA, 6 Oktober - Unit Pendidikan Islam, Jabatan Pengajian Am Politeknik Melaka dengan kerjasama Jabatan Mufti Negeri Melaka telah menganjurkan kursus Penentuan Arah Kiblat pada 6 Oktober 2022 bersamaan hari Khamis. Kursus ini bermula jam 9.00 pagi hingga 1.00 tengah hari.

Kursus ini telah disertai oleh 49 orang siswa dan siswi Politeknik Melaka yang terdiri daripada Semester 2 dan 5 Jabatan Kejuruteraan Awam, Jabatan Kejuruteraan Elektrik dan Jabatan Kejuruteraan Mekanikal yang mengambil kursus MPU 23052-Sains Teknologi & Kejuruteraan Dalam Islam. Kursus ini telah dimulakan dengan sesi taklimat yang dikendalikan oleh Ustaz Muhammad Saifullah Bin Dimyati, Penolong Pegawai Hal Ehwal Islam, Bahagian Falak, Jabatan Mufti Negeri Melaka.

Kemudian, peserta telah dibahagikan kepada beberapa kumpulan untuk sesi praktikal yang diadakan di sekitar surau Ar Raudhah PMK. Setiap kumpulan dibantu oleh fasilitator dari Jabatan Mufti Negeri Melaka. Melalui sesi praktikal ini, peserta berpeluang untuk mengetahui cara menentukan arah kiblat menggunakan bayang matahari menggunakan peralatan yang disediakan oleh pihak Jabatan Mufti. Dengan bimbingan fasilitator, peserta juga berpeluang untuk menyemak arah kiblat Surau Ar Raudhah PMK. Melalui program ini, peserta dapat mengetahui tentang cara penentuan arah kiblat untuk solat .Selain itu juga, peserta turut didekah dengan cara menentukan masuknya waktu solat berpandukan ilmu falak.

Secara keseluruhannya, kursus ini telah berjalan dengan lancar dan objektif telah tercapai dengan jayanya. Secara tidak langsung, kursus ini telah berjaya memberi sedikit-sebanyak pengetahuan kepada para peserta mengenai ilmu falak di samping mendekatkan diri mereka dengan Pencipta Yang Maha Agung.





## PROGRAM KEMAHIRAN DAN PENINGKATAN KEMAHIRAN TVET KPT DI SEKOLAH MENENGAH TAHFIZ AL-QURAN, CHENDERAH, JASIN, MELAKA ANJURAN JKE & ULPL

Oleh : Asiah binti Ab Wahid

JASIN, 19 Oktober – Jabatan Kejuruteraan Elektrik dengan kerjasama Unit Latihan Pendidikan Lanjutan, Politeknik Melaka telah menganjurkan Program Kemahiran TVET KPT selama 2 hari di Sekolah Menengah Tahfiz Al-Quran, Chenderah, Jasin, Melaka dimana dua kursus dijalankan serentak iaitu Program Asas Kemahiran Innovator Fibreglass dan Program Pengenalan Asas Robot. Program Asas Kemahiran Innovator Fibreglass telah disertai oleh 70 orang pelajar Tahfiz. Ceramah telah diberikan oleh Encik Ismail bin Mohd Litak dan Encik Ahmad Fariz bin Fauzi dibantu oleh fasilitator program, Encik Zulhelmi bin Amran. Sepanjang program, pelajar telah diberi pendedahan dengan asas pembuatan fiberglass. Fibreglass merupakan kemahiran teknikal yang mampu menjana pendapatan seperti penghasilan tangka air hidroponik, cenderahati, bot, kerusi dan pelbagai lagi.

Manakala, Program Pengenalan Robot telah disertai oleh 60 orang pelajar Tahfiz. Pelajar telah diberikan pendedahan tentang rekabentuk robot dan konsep pengaturcaraan ringkas serta penghasilan robot dengan kawalan jarak jauh. Di akhir program, pelajar tahfiz telah berjaya menghasilkan kereta mainan kawalan jauh. Program yang dijalankan telah berjalan dengan lancar. Semua pelajar tahfiz telah menunjukkan minat dan kesungguhan dalam program yang telah dihadiri. Adalah diharapkan, program seumpama ini dapat diteruskan lagi pada masa akan datang disamping mempromosi Politeknik Melaka amnya dan khususnya Program Diploma Kejuruteraan Elektronik (Kawalan) kepada pelajar tahfiz.



## PROGRAM 1000 LIGA SUKAN (CATUR) PERINGKAT DAERAH MELAKA TENGAH TAHUN 2022

TARIKH : 15 OKTOBER 2022 (Sabtu)

MASA : 8.00am

TEMPAT : POLITEKNIK MELAKA

ANJURAN BERSAMA :

PEJABAT BELIA & SUKAN DAERAH MELAKA TENGAH

POLITEKNIK MELAKA

KELAB KEBAJIKAN STAF PMK



Tarikh 1000 Persempenaan  
Tarikh 1000  
Mediah Tunai 1 Himedha II  
SMK Peneraju  
Babuudi - En Rafi 019-9515661  
En. Eszrim 010-6557994  
  
QR CODE  
SCAN ME  
  
BORANG PENYERTAAN  
Tarikh Tutup - 12 Oktober 2022



## JABATAN SUKAN PMK BERKERJASAMA DENGAN PEJABAT BELIA SUKAN MELAKA ANJUR PROGRAM 1000 LIGA SUKAN (CATUR) PERINGKAT DAERAH MELAKA TENGAH

Oleh : Mohd Jazwin bin Abd Rahman

**POLITEKNIK MELAKA, 15 Oktober 2022 –**  
Jabatan Sukan, Kokurikulum & Kebudayaan Politeknik Melaka dengan kerjasama Pejabat Belia & Sukan Daerah Melaka Tengah telah menganjurkan Program 1000 Liga Sukan (Catur) pada 15 Oktober 2022 bertempat di Dewan Kuliah I Politeknik Melaka.

Seramai 65 orang peserta telah menyertai program ini yang bermula dari jam 8.00am hingga 4.30pm. Program ini dijalankan secara liga untuk kategori terbuka dan telah berjaya menarik 7 penyertaan dari kalangan masyarakat OKU. Kawalan masa permainan adalah selama 20 minit untuk 6 kali pusingan liga.

Hadiyah tunai sebanyak RM 820.00 menjadi rebutan para penggiat catur dan majlis perasmian penutup program ini telah disempurnakan oleh Puan Norazlin Bin Sarun, Pegawai Belia dan Sukan Daerah Melaka Tengah.



## JABATAN SUKAN, KOKURIKULUM & KEBUDAYAAN POLITEKNIK MELAKA ANJUR PROGRAM KEMBARA SISWA-SISWI POLITEKNIK MELAKA SEMPENA MAJLIS PELANCARAN PROGRAM MELAKA HISTORICAL HUNT CARNIVAL 2022 DI PULAU BESAR MELAKA

Oleh : Mohd Jazwin bin Abd Rahman

**PULAU BESAR, 15 Oktober 2022** – Jabatan Sukan, Kokurikulum & Kebudayaan Politeknik Melaka telah melaksanakan program Kembara Siswa-Siswi Politeknik Melaka 2022 sempena Majlis Pelancaran Program Melaka Historical Hunt Carnival 2022 di Pulau Besar Melaka pada 15 – 16 Oktober 2022.

Program ini telah berjaya menghimpunkan penyertaan seramai 110 orang pelajar dan 5 pensyarah pengiring Politeknik Melaka. Program ini adalah bertujuan untuk mempromosikan Pulau Besar yang telah digazetkan sebagai Taman Laut dalam usaha konservasi dan kesedaran mengenai ekosistem yang amat penting untuk pemuliharaan biodiversity marin untuk generasi yang akan datang melalui sejarah Negeri Melaka.

Para pelajar telah didedahkan dengan sejarah keujudan Pulau Besar Melaka dan faktor-faktor yang mempengaruhi perkembangan ajaran agama Islam di Tanah Melayu suatu ketika dahulu.

Diakhir program para pelajar telah diberi peluang untuk membuat aktiviti hiking dan sukan air yang ditaja sepenuhnya oleh Eco District Assosiation.

Majlis ini diserikan dengan kehadiran YB. Datuk Muhammad Jailani Bin Khamis, EXCO Pelancongan, Kebudayaan dan Warisan Negeri Melaka telah merasmikan program ini dan turut sama di hadiri oleh Timbalan Pengarah II Politeknik Melaka.





## LAWATAN PENANDAARASAN PENGURUSAN PMK KE POLITEKNIK SULTAN HAJI AHMAD SHAH KUANTAN PAHANG

Oleh : NURUL-FATEHA MD SANDOLLAH

POLITEKNIK MELAKA, 20 Oktober – Pihak Pengurusan Tertinggi Politeknik Melaka telah mengadakan satu Lawatan Penandaarasan Pengurusan PMK ke Politeknik Sultan Haji Ahmad Shah Kuantan, Pahang pada 20 Oktober 2022. Delegasi PMK telah diketuai oleh Pengarah PMK Sr Hj Razali bin Johari. Turut bersama Timbalan Pengarah PMK Hjh Normala binti Salimin. Delegasi PMK seramai 26 orang telah disambut mesra oleh TPA dan TPSA serta ahli pengurusan POLISAS. Pelbagai maklumat dan pandangan telah dikongsikan sepanjang lawatan ini diadakan. Diharapkan hasil lawatan ini dapat menambah baik pengurusan PMK agar lebih cemerlang dan terbilang.



OPPO A92 · ©itawaz79  
2022/10/20 09:16




## PELANCARAN MAJLIS PENDIDIKAN DAN LATIHAN TEKNIKAL DAN VOKASIONAL (TVET) NEGERI MELAKA DAN KARNIVAL TVET NEGERI MELAKA 2022.

Oleh : NURUL-FATEHA MD SANDOLLAH

MITC, 29 Oktober— Telah berlangsung Majlis Pelancaran Majlis Pendidikan dan Latihan Teknikal Dan Vokasional (TVET) Negeri Melaka dan Karnival TVET Negeri Melaka 2022. Majlis pelancaran ini telah disempurnakan oleh YAB Datuk Seri Utama Haji Sulaiman bin Md Ali, Ketua Menteri Melaka.

Politeknik Melaka merupakan Institusi TVET pertama yang menubuhkan Sekretariat TVET Negeri Melaka dengan kerjasama lapan lagi Institusi TVET yang lain untuk menggerakkan Sekretariat TVET ini dengan lebih efisien. Usaha penubuhan Sekretariat TVET ini telah mendapat perhatian EXCO Pendidikan, Teknologi dan Telekomunikasi, YB Datuk Haji Rais Yasin yang akhirnya dengan sokongan penuh dan komitmen beliau, membawa perkara ini kepada pihak tertinggi, Majlis TVET Negeri Melaka dapat ditubuhkan dan didaftarkan secara rasmi. Tahniah diucapkan kepada jawatankuasa TVET Politeknik Melaka diatas usaha dan komitmen yang diberikan sehingga MTVET Negeri Melaka tertubuh secara rasmi.





## BENGKEL PEMURNIAN LAMAN WEB PMK 2022

Oleh : Haidar Nur Rifhan binti Basir

POLITEKNIK MELAKA, 27 Oktober – Unit Teknologi Maklumat, Politeknik Melaka(PMK) telah menganjurkan sesi Bengkel Pemurnian Laman Web PMK bertempat di Makmal e-Learning PMK. Bengkel tersebut telah dihadiri oleh Pasukan Pengurusan Kandungan Laman Web PMK yang terdiri daripada wakil setiap jabatan, unit dan jawatankuasa di PMK. Pelaksanaan bengkel ini merupakan langkah yang diambil bagi memastikan kandungan laman web PMK adalah terkini, tepat dan sahih selaras dengan dasar yang telah ditetapkan di dalam Pekeliling Kemajuan Pentadbiran Awam Bil. 2 Tahun 2015 – Pengurusan Laman Web Agensi Sektor Awam yang sedang berkuatkuasa.

Tujuan bengkel ini dilaksanakan adalah bagi menyelaraskan kandungan laman web serta membolehkan semua ahli mengemaskini maklumat bagi jabatan, unit atau jawatankuasa masing-masing. Disamping itu juga, perkongsian bagi tatacara mengemaskini maklumat berita, carta organisasi serta memuatnaik bahan buletin ke platform Cloud PMK turut dikongsi bersama semasa bengkel tersebut. Bengkel ini telah dikendalikan oleh Pn. Ts. Nor Fazlina binti Mohd Amin selaku Webmaster PMK dan Pn. Haidar Nur Rifhan binti Basir, Ketua JK Teknikal Laman Web PMK.

Diharapkan dengan pelaksanaan bengkel ini semua ahli pasukan dapat menggunakan pengetahuan yang diberi bagi mengemaskini kandungan laman web dengan lebih mudah dan lancar untuk jabatan, unit dan jawatankuasa masing-masing dan memastikan maklumat di laman web PMK sentiasa dikemaskini.







## SUKARELAWAN TVET PMK CERIAKAN SEKOLAH LUAR BANDAR

Oleh : Noor Hazalina binti Abdullah

**ALOR GAJAH, 5 November** – Satu tanggungjawab sosial korporat (CSR) yang melibatkan sukarelawan TVET Politeknik Melaka (PMK) telah berlangsung di sebuah sekolah luar bandar iaitu Sekolah Kebangsaan Sungai Buloh, Alor Gajah Melaka (SKSB). Program ini telah melibatkan 47 orang kakitangan dan 70 orang pelajar Politeknik Melaka dari semua jabatan akademik. Majlis perasmian program ini telah disempurnakan oleh Puan Hjh Normala Binti Salimin, Timbalan Pengarah Politeknik Melaka pada 5 November 2022.

Tujuan program ini dilaksanakan adalah untuk memberi peluang kepada para pelajar mempraktikkan kemahiran TVET yang dipelajari

kepada kelompok komuniti yang berkeperluan dan di samping dapat mempromosikan Politeknik Melaka dalam kalangan komuniti setempat sebagai Institusi Pengajaran Awam (IPTA) yang berdasarkan Pendidikan dan Latihan Teknikal dan Vokasional (TVET). Antara tugas yang dilaksanakan ialah pembinaan mercu tanda "I Love SKSB" yang diperbuat daripada acrylic. Selain itu, program ini turut melibatkan pembinaan 4 unit planter box yang menggunakan teknik ikatan bata, projek seni mural pada dinding bangunan prasekolah, projek tanaman hijau, kerja-kerja baik pulih bumbung sekolah dan pendawaian elektrik dalam bangunan.





Program ini juga telah mendapat sokongan daripada Majlis Perbandaran Alor Gajah dengan menyumbang sebanyak 50 anak pokok bagi menjayakan misi program. Selain itu, program ini turut mendapat kerjasama daripada Kolej Komuniti Selandar dengan kehadiran 3 orang tenaga pengajar yang mahir dalam bidang seni mural bagi membantu sukarelawan menyiapkan tugas. Program ini dimeriahkan lagi dengan pelaksanaan aktiviti seperti English Fun dan Pertandingan Mewarna. Peserta yang terlibat bagi aktiviti English Fun seramai 30 orang murid tahap 2 SKSB manakala Pertandingan Mewarna disertai oleh 15 orang anak-anak kakitangan SKSB dan PMK. Ribuan terima kasih diucapkan kepada warga SKSB dan PIBG yang menyambut baik kehadiran warga PMK dan tahniah kepada semua sukarelawan TVET dan kakitangan PMK yang telah berjaya menyempurnakan program CSR pada kali ini.





## JABATAN KEJURUTERAAN MEKANIKAL & JABATAN PERDAGANGAN UNGGUL DALAM PROGRAM I3CE (INNOVATION COMPETITION, CONFERENCE & CAREER EXHIBITION) PERINGKAT POLITEKNIK MELAKA.

Oleh : NURUL-FATEHA MD SANDOLLAH

**POLITEKNIK MELAKA, 29 November** – Program i3Ce (Innovation Competition, Conference & Career Exhibition) merupakan satu program yang merangkumi beberapa aktiviti iaitu pembentangan dan pertandingan projek akhir pelajar, hari Inovasi dan program kerjaya seperti sesi taklimat kerjaya bersama industri atau institusi serta sesi temuduga alumni oleh industri. Program ini diadakan mengikut sesi iaitu sesi Disember dan sesi Jun.

Terdapat 2 kategori dipertandingkan iaitu Kategori Produk dan juga ilmiah. Pemenang untuk kategori ilmiah ialah pelajar daripada Jabatan perdagangan yang telah mendominasi tempat 1 dan ke-3, manakala tempat ke-2 dari Jabatan Kejuruteraan Awam. Bagi kategori Produk, tempat pertama telah dirangkul oleh Jabatan Kejuruteraan Mekanikal manakala tempat ke-3 dan ke-3 dimenangi oleh Jabatan Kejuruteraan Elektrik. Selain itu, seramai 6 juri yang sangat berpengalaman didatangkan khas dari pelbagai bidang yang bertanggungjawab mengadili setiap hasil kerja pelajar.

Juri-juri tersebut ialah Prof. Madya Ts. Dr. Suraya Hani Binti Adnan – UTHM, Dr. Ahmad Azahari Bin Hamzah- Universiti Kuala Lumpur, Dr. Mastura Binti Roni- UiTM, Ahmad Safwan Bin Salim- Global Product Development Specialist, Ms. Lim Su Pueh-JKR dan Aiman Syahmi Bin Adnan- Triple C Lightning Enterprise. Majlis Penutupan program ini telah dirasmikan oleh YBrs. Sr Haji Razali Bin Johari pengarah Politeknik Melaka.





## PROGRAM CABARAN SIMULASI PERNIAGAAN UNI CHALLENGE 2022 POLITEKNIK MELAKA

Oleh : Zaihasra binti Rukiman.

**MELAKA, 29 November** - Program Uni-Challenge 2022 Politeknik Melaka (PMK) telah berlangsung dengan jayanya. Program ini merupakan program kolaborasi Politeknik Melaka dengan Perbadanan Usahawan Nasional Berhad (PUNB). Tujuan utama program ini ialah untuk membudayakan keusahawanan pelajar dan sekaligus pembangunan inovasi produk.

Program ini telah bermula dari 29 Ogos dan pertandingan akhir telah dijalankan pada 29 November 2022. Pertandingan ini telah mendapat dana tajaan daripada Perbadanan Usahawan Nasional Berhad (PUNB) sebanyak RM5000 dan tabung Jabatan Perdagangan RM1000. Sebelas (11) kumpulan telah berentap dalam pertandingan akhir ini dengan dijurikan oleh Puan Norhazreen Abdul Ghani, Ketua Unit Pemasaran dan Pembangunan Usahawan (Ibu Pejabat PUNB), Encik Mohd.Asyraf, Ketua Pejabat PUNB Cawangan Melaka dan Dr.Azilahwati Adam, Politeknik Melaka.

Tempat pertama telah dimenangi oleh kumpulan Infinity Dolce La Dias dengan memenangi RM1200, tempat kedua dimenangi oleh kumpulan Mentai & Croffle dengan hadiah sebanyak RM800, tempat ketiga dimenangi oleh kumpulan D'Tasty Dessert dengan hadiah sebanyak RM600, manakala 8 kumpulan lagi masing-masing telah menerima saguhati sebanyak RM300. Terdapat 4 anugerah khas yang turut diberikan di mana masing-masing menerima sebanyak RM250. Anugerah tersebut adalah Anugerah Produk Berpotensi (Kumpulan Mencroffus), Anugerah Pilihan Juri (Kumpulan Sandwichify), Anugerah Pemerkasaan Jenama (Kumpulan Perfume Dolce La Dias) dan Anugerah Produk Inovasi (Kumpulan Wow Heritage). Adalah diharapkan agar program ini dapat meningkatkan lagi pengetahuan dan kemahiran serta pengalaman kepada pelajar dan mentor dalam melaksanakan inovasi dan business pitching mereka.





## JABATAN PERDAGANGAN MUNCUL JUARA DALAM KEJOHANAN SUKAN PMK 2022

Oleh : Mohd Jazwin bin Abd.Rahman

**MELAKA, 30 November** - Jabatan Sukan, Kokurikulum & Kebudayaan Politeknik Melaka (PMK) telah menganjurkan Kejohanan Sukan Antara Jabatan Politeknik Melaka Tahun 2022 di Kompleks Sukan Komuniti Krubong, Melaka. Sebanyak 10 acara sukan telah dipertandingkan iaitu Fun Run, Bola Jaring, Sepak Takraw, 3on3 Soccer, Ping Pong, Catur, Scrabble, Darts, Congkak & Karom.

Kejohanan ini melibatkan Jabatan Kejuruteraan Awam, Jabatan Kejuruteraan Mekanikal, Jabatan Kejuruteraan Elektrik & Jabatan Perdagangan mengikut kategori Staf dan Pelajar. JABATAN PERDAGANGAN telah muncul sebagai Johan keseluruhan dan merangkul Piala Pengarah Tahun 2022.

Majlis perasmian penutup telah disempurnakan oleh YBhg. Tuan Khairul Adri Bin Dato' Rosli, Pengarah Jabatan Belia & Sukan Negeri Melaka. Majlis juga telah diserikan dengan kehadiran Yang Berusaha Sr. Haji Razali Bin Johari, Pengarah Politeknik Melaka, Ts. Abd Halim Bin Mahat, Tim. Pengarah II, Ketua Jabatan dan Ketua Unit PMK. Tahniah dan ribuan terima kasih diucapkan kepada semua peserta dan penyokong yang telah mengambil bahagian dan memeriahkan acara sukan pada edisi kali ini.



**POLITEKNIK MALAYSIA Melaka**

**KEJOHANAN SUKAN ANTARA JABATAN SEMPENA HARI SUKAN NEGARA PERINGKAT POLITEKNIK MELAKA 2022**

TARIKH : 30 NOV 2022 (RABU) | MASA : 7.00 PAGI |  
TEMPAT : KOMPLEKS SUKAN KOMUNITI (KSJK) KRUBONG MELAKA  
ANJURAN : JABATAN SUKAN, KOKURIKULUM & KEBUDAYAAN POLITEKNIK MELAKA

**HARI SUKAN**



## RESPECTFUL VISIT BY POLITENIK NEGERI BALI

Oleh : Nurul Aqilah Adnan

**POLITEKNIK MELAKA, 2 Dec-** Respectful Visit by Delegation of Politeknik Negeri Bali from November 30th until December 2nd 2022 marks the mutual assured collaboration between PNB and PMK. The presence of the distinguished guests, that is Assistant Director of Industry, Business and International Partnership PNB, Bapak Ir. I Wayan Arya, Ibu Prof. Dr. Ir. Lilik Sudajeng and Bapak Ir. Nyoman Suardika together with the Heads of Department & Unit Politeknik Melaka signaled our determination on this bilateral relation to reinforce the global competency among our students to thrive in this rapidly developing world. In-depth discussion chaired by the Deputy Director of Politeknik Melaka was held to review the proposed contents of the Agreed Minutes of Meeting before the signing ceremony. This partnership is exceptionally beneficial not only the staff and students but also the institution on a whole. Therefore, the discussion was mainly highlighted on

- I. Exchange Program
- II. Technical Research Co-operation
- III. Cooperation of Training (Lecturers)

It is ultimately hoped that the strategic collaboration will lead to a **sustainable future particularly in Technical Vocational Education and Training (TVET)**. Both institutions have taken the chance of this respectful visit to explore greater opportunities of **bringing up students to reach the full potential** in their field of study.

Besides the discussion, other activities held during the visit **including Campus Tour, Teaching & Learning Lecture by the delegates** on the selected sub-topic of Civil Engineering Course as well as **Research Paper Sharing Session with the lecturers of PMK**. Delegation was also brought on a **site visit at IBS, Kosmo Bina, Ayer Paabas** in the company of few staffs and proceeded the schedule with a **tour around Malacca City that is immensely popular for its rich heritage and breathtaking sights**.

Last but foremost, all parties should work efficiently to make this success happens. It is not just a **Written commitment BUT it is a commitment of WILL**.





# Aktiviti UNIT PEMBANGUNAN INSTRUKSIONAL & MULTIMEDIA

